

II n
6587

Handwritten text, possibly a library stamp or signature, located in the center of the page. The text is faint and difficult to decipher, but appears to contain several lines of characters.





Sonder Grausamen/ Ty
rannischen Wyshandlungē/ so Kūnig
Christiern/ des namens der
ander von Denmarck/ Im
Reich zu Sweden bes
gangen hat.

1521



Small handwritten note or signature, possibly 'H. H. H.'



Allen vnd jeden/wasserley hocheyt/ehr/vñ würdē
conditiō/hohes oder nidērs stands/sie seien Geyst
lichſ oder weltlichſ/den diſſer gegenwertigk brieff
vorfombt die ien ſehen/hören/oder leſen/Entbietenn wir
Gutſtaff Erickſon/Gubernator/vnd andere Geystlich vñ
weltliche Rhathe des Reichs zu Sweden/vnſern willigen
dienſt/freuntlichen auch günſtigen grüß/vnd wes wir gü
tes vermügen/nach eins jeden würde/ehr/ſtand/vnd conde
tion/allezeit zuuorn/vñ thun euch allensampt/vnd einem
jeden in ſunderheyt/hiemit dienſtlich/freuntlich/vñ gütlich
zuwiſſen/das/wiewol vormals der Durchleuchtigſt/Groß
mechtig Künig vñ her/her Chriſtiern/des namens & ander/
König zu Denmark zc. nit mit recht/oder auß freier Chür/
wie ſich das wol gebürt het/erwelet/ſunder benötigter/gewel
tiger weiß/als ob er ſolt ein Künig zu Swedē Reich ſein/in
getrungen/Des die Hochwürdigſten/vnnd hochwürdigen/
in gott Väter/erwürdigen vnd würdigen/Edlen/Gestren/
gen/vnd Erbaren/Erzbichöſſ/Biſchöſſ vnnd Prelaten/
Herrn/Ritterschafft/vnnd Adel/vnſerer ſeligen vorſaren/
ein theyl/in got verſtorben/auch vnſer noch ein theyl im
leben/mit zuthat der ſtett/vñ gmeynen mans/solchs Swe
den Reichs/zu gelegner zeit/mit erſchrecklichkeyt vnderko
men/vnd haben ſich vnd vns beduncken laſſen/das ſolche
erhebüg vñ benötigte indringüg/dardurch die ſtend ſolchs
Reichs/irer freien Chür beraubt würden/von gots vnnd
rechts wegen/nit beſton möcht. Auch würdē ſie vnd wir dar
durch vnſerer herbrachten freihēyt/ehre vnd gerechtgkeyt/
geweltiglich beſchedigt/entſetzt vnd beraubt. Auß welchen
vñ andern ehafften vñ groſſen vrsachē/die zu ſchreiben vñ
kürtz willen vnderlaſſenn werden/ſein ſie vnnd wir/als des
Reichs Rethel/ſtende vñ gemeyne inwoner dem ingetrüß

gen vermeynten gekornē zu Swedē/der inführung/ Krönung/
salbung vnd huldung/nit vnbillich vorgewesen. Darum
ist sein Königliche wird/verlauffner zeit/mitt heres crafft/
ins Reich zu Sweden gezogen/in meynung solchs betrenge-
lich fürnemē/ mit gewaltigem raub vñ brant/ erwürgung/
mordt vnd todschleg/wie darnach beschehen/in sein gewalt
zuführen. Aber als seine Kō. vngnade iren willen mit gwalt
nit schaffen mocht/vnd befunden/das ien die not vñ Kōmer
widderum auß dem reich zu Sweden dringen wolt/ ist sein
Kō. w. mit sunderlichem hinderlist/vff gürtlich handlung
gfallen. Wo aber sein Kō. vngnad/vnser vñ des Reichs zu
Sweden dazumal so mechtig/ als wir zu der zeit/ sein vnd
der seinen waren/het werdē mögen/so hett vngeweifelt die
selbig sein vngnad/die grausam onlöblich mißhandlung/
als er darnach begingt/beweist vñ volnbracht/desmals be-
gangē. Nun ist herr Sein Sür (seliger gedechtnuß) zu der
zeit des Reichs zu Sweden Gubernator gewesen/vnd mit
zuthat des reichs Rāthe/haben solchen Königlichen worten
(die billich gruntest vnd nit wandelbar sein solten/Dann
in solchem hohem ampt der Königlichen ehre/soll keyn wanc-
kelmütigkeit stat habē/ also das Königlicher hocheyt müde
nit anders/dan auß dem gmüt Königlichen hertzens zureden
gebüren will) gantzen glauben geben/vñ sich mit seinen Kō.
vngnaden in einen gürtlichen handel gelassen/vnd seine Kō.
großmechtigkeit zu eingang des handels/zu stewart/seiner
vnd der seinen enthaltung/vnnd leibs narung/mit einer
mercklichen zal ochsen vereret. Als nū der handel auff etz-
liche Artickel begriffenn/ ist verlassen/das mann zu vol-
endunge solcher handdelunge/ eine Partheie der annde-
ren Geißlerz oder Bürgenn genant stellenn solte/ also
das die verordneten von dem Reich zu Swedenn/ die jere

211

her
A
Codin
regi

Königlicher **M.** in das schiff vnd leger / vnd seine **Kö. W.**
die ieren dem Gubernator / in die stat Stockholm schicken
sollen vnd wollen. Als nun die Geißler oder bürgen gnant
zu beyden theyln / zu ange-setzter zeit / zwischē dem Königliche
leger vnd schiffen / vnd der statt Stockholm / einander be-
gegnet vnd gewechselt / haben sich die Swedischen verorden-
ten / schlechts auff guten Königlichen glauben / in die flut /
vñ an des Königs schiff führen vnd darin nemen lassen / Aber
die Dēnschen verordneten / haben sich etzlich zeyt verhindert
vnd do sie sich bedunckē ließen das die Swedischen bei **Kö.**
wirde schiff sein möchten / haben sie sich schlechts widerumb
nach des Königs flut vnd schiff gewendt / vnd zu dem Gei-
selmal oder bürgstat nit gestellet / vil weniger nach der vber-
Kömung gehalten / vñ als **Kö. M.** den wint gefaßt / hat sein
vngnad ire segel vffthun lassen / solche Swedische verorden-
ten / so in zuuersicht **Kö.** glaubens zu im geschickt vnd kamē /
mit im in verachtūg solchs glaubens in Dēnmarck gefürt /
vñ in verwarung gnomē / so lang biß der almechtig got
dem jetzigen Gubernator / auß solcher bestellung / mit ver-
lauffung der zeit / auß Dēnmarck geholffen hat. Ob solchs
auß Königlichem glauben / oder bösem vnglauben vorge-
men / geben wir Bāpstlicher heyligeyt. Kay. Maiest. vñ
allen löblichen / Christliche Königen / als den obersten haupt-
tern der Christenheyt / allen Chürfürsten / Fürsten / vñ allen
Stenden / Geystlichen vñ weltlichen / die vnparthēisch er-
acht werden mügen / zuermessen. Darnach im Jar nach der
geburt Christi. Tausent / Fünfhundert / vnd ein vñdzwē-
zigstē / hat genants **Kö.** vngnad vñ Dēnmarck / abermals
ire kriegsleut zu fuß vnd zu pferd / ins Reich zu Swedē ge-
schickt die stat Stockholm belegert / daselbst weit vmbher /
Rauben / Wörden / Brennen / vnd ztodschlagen lassen / vñ

darnach zu seiner bequemen zeit/ mit grosser anzal volcks/
vnd vilen schiffen zum krieg bereydt/ persönlich gefolget/ in
meynung die statt Stockholm vnd das gantz Reich zu
Sweden also mit dem schwerd zu erobern/ welchs im auch
abgstanden. Hat sich sein Kō. vngnad/ in massen wie vor
in friedens berüffung/ zu gütlicher vnderhandlung aber
mals erbotten/ den Electro von Lincöpinge/ der dan auch
von den Swedischen Geißlern/ welche vom Künig gfenck
lich gehalten/ so lang das in sein Kō. vngnad also gefangen
widerumb mitt ir in Sweden fürt/ mitt hohen gelübdenn
vnd vilen genedigen erbietungen darzu vermöcht/ das er
sich zwischen seligen hern Stein Sturn verlassnen witwen
(die da zur zeit noch ein theyl der Schloß/ vnd die Stat
Stockholm der Kronen vō Sweden zustendig/ innen hatt)
vnd des Reichs Rāthe/ souil der damals zum Hollen ge/
west/ gütlicher weiß vnderredt/ vnd nach langer vnderhan
delung/ so vil hoher gelübde/ zusag vnd vertröstung/ alles
auff Kō. vngnad/ geheysß vnd beuelh gethan/ Das man
für das erst vff den Küniglichen von ir gesagten gelübdenn
souil erlangt/ das die genant frawe/ mit züthut des Reichs
Rāthe/ bewilligt habē/ wo sich Kō. w. nach alter herbrach/
ter gewonheyt des Reichs zu Sweden vnd Kō. gebür/ die
gsatz vnd ordenungen des Reichs verwilligen/ vnd darbei
solchs vnd das Reich zu Sweden vnd die inwoner bei allē
alten freiheyten/ priuilegien vnd gerechtigkeiten lassen/ vñ
aller vngnad vergessen/ an vngnad oder argwon nimer ge/
denckē/ auch keynerley weiß rechen/ geloben/ versiegeln/ ver/
brieffen/ vnd solchs vff das heilig Sacrament zu got vnd
heiligen schweren wolt/ weren sie nit vnwillig seiner Kō. w.
zü eren/ vnd der selbigen/ auch inen vnd dem Swedischen
Reich allenthalben zu rwe vnd fried/ vnangesehen das sein

¶ iij

Kö. w. zum Reich zu Sweden/ gar bei bestendig recht het/
seine genad zu einem König vnd herren anzunemen/ alle ge/
brechen seins rechtens zu erfüllen/ Die Chür frefftig z mache
zu volmechtigen/ vnd zu versehen/ In einzufüren/ zu Krö/
nē/ zu salben/ vñ dem selbigē als irem König zu hülde vñ
ghorsamlich vnder im zuleben. Das alles hat sein Kö. G.
(als sein geberd scheyn) mit frölicheyt vnd hoher danck sag/
ung angnomen/ gelobt/ vnd nach der lenng wol eytendirt/
versiegelt/ auff s heilig Sacrament zu got vnd heiligen ge/
schworn/ wie das seiner Kö. w. brieffe/ daruff geben/ vñ zu
seiner zeit wol an tag bracht werden sol/ Klärlich außweiset.
Daruff ist sein Kö. w. vor ein König zu Sweden gekoren/
Reichs Rath vnd allermöglich die des zuthö hetten/ vn an
gesehē/ d̄ vorbegāgen schwindē mißhädlig entpfangē/ mitt
der Procession vñ grosser herligkeyt/ wie dan einen mechtigē
Christlichē König wol gezemt/ durch geystliche vñ weltliche
Prelaten/ des Reichs Rath/ sambt dem gemeynē volck an
genomen vñ ingefürt. Aber so baldt sein Kö. w. zu Stock
holm in die stat kōmen/ vnd der selbigen mechtig gewesen/
hat er seinen durst mit vergießung Christlichs blüts gelesch
et/ Galgen vnd Räder vffrichten/ henccken vñ würgen lassē.
Von stundt an darnach einen tag seiner Krönung bestimbt/
vñnd dar zu alles Sweden Reichs Geystliche vñnd welt/
liche Verschafft/ Prelatenn/ Herren/ Ritterschafft/ Adell/
Wanschafft/ den Rath der stat Stockhollem/ auch Fraw
enn vñnd Junckfrawen/ widderumb beschriben/ zu gast
geladen/ welche als die gehorsamen/ in glauben vnd guten
trewen/ solcher seiner W. Krönung zu eren/ auff das stätlich
est/ souil eines jeglichen vermügen/ erschienen. Als nun sei/
ne Königliche w. die selbigen erzliche tage/ zu solchem stät/
lichem fest/ bei ir gehabt/ herlichen vnd wol tractiret/ also

Das sich ein jeder mit anders dan gnad / gunst vnnnd alles gü-
ten zu seiner Kō. w. verhofft vnd vermüdet hett / vnnnd alle
menschen got den herzen gelobet / hat sich die selbig erzeygt ge-
nad am dritten tag solcher gesteren vnder aller fröligkeyt / zu
heffriger vnd vngestüme vngnad / in nachuolgender weis
verwandlet / welchs er bei im bis zur selbigen zeit verborzen
gehat / gantz (leyder) eröffnet / also das sein Kō. vngn. zwen
Bischöff / vñ andere Prelaten / Geystlich vnd weltlich / Darn
Ritter / Rittermessige man vom Adell / vnd andere frome
redliche leut / vnder solcher wirtschafft vnd fröligkeyt gefeng-
lich annemen / in die thürn werffen / die selbigen volgendts
tags vnbedagt / vnbeschuldigt / on allen fürtrag / oder ange-
zeygte vrsach / vngehörter antwort / vngeweicht vnd vnbe-
richt / auff den markt ziehen / vnnnd inen allen die kōpff hat
abhawen lassen / Der geystlichen in einen / der Edlen vñ Rit-
termessigen in den andern / der andern Burger vnnnd knecht
Cörper / in drei merckliche hauffen zuwerffen / vnd so etzliche
nacht vnd tag / vor den vnuernünfftigen thiern / in meinüg
sie zu zereissen leigen zulassen / vnchristlicher weis beuolhen /
vnd nach verlauff etzlicher zeit die todten leichnam auß der
stat zefüren / seligen hern Stein Sturē / der zu der selben zeit
lenger dann ein halb iar tod / vnnnd vnder der erden gelegen /
den der almechtig (got geb zur seligkeyt) gerichtet / mit einem
halbjerrigen kind / so bei dem gelegen außzugraben / außzu-
füren / vnnnd onmenschlicher weis mit den andern Cörpern
zu verbrenne bestelt. Item zwey vnmündige kinder / das ein
sechs / das ander neun iar alt / mit den haren auffzuhentē
vnd irchaupter in seiner gegenwürtigkeyt auch abzuschla-
hen / grauffsamlich / vnd vnbarhertziger weis verschaffet.
Item sieben Priester / welches Mönich gewesen sindt / die
auff den tag ieres lebens vnnnd todes Weß gehalten / vnd
Iiiii

das heilig würdig sacrament consecrirt hetten / zuertrencken /
wie dan gschehē / auch etzliche from̄ leut / so seligē hern Stein
Sturn / erlich vñ wol gedinet / on alle vrsach zuuerthiligen /
als auch bschehen / gebottē. Vñ alles wes sein Kō. vngnad /
Tirannisches / mehr dan hie angezeygt / vñ vñ kürtze willen
vnderlassen / erdencken kondt / vnchristlicher vnd grausamer
ggestalt / mit mordt / todschlag / Köpffen / würgen / vñ ertrenckē /
Geystliche meñer / Closter juncfrawen / vñ andere personen
vorgnomē / auch etzliche frawē vnd juncfrawē von den bes
sten des Reichs / vnd sunderlich / hern Stein Sturn seligen
Gubernators / verlassne witwe / auch eins theyls irer kinder
gefenclich naher Denmarck führen lassen / das wir nit wissen
können ob sie lebendig oder todt seien / aber wol zu besorgen /
ehezum tod gfordert / dan des lebens gegönnet. Darnit hat
er als der außgrabnen / auch der andern Körper halben / die
durch got gericht waren (als wir hoffen zur sälligheyt / in sei
ner almechtigeyt gerichte) freuelich gegriffen / Er hat auch
der diener gottes widder der heiligen kirchen / vñ alle Christ
lich ordnung der Bischöff vnd priester / auch der Edlen vñ
vnedlen welchē er / als ein König vñ her gelobt vnd gschwore
hēt / das vnschuldig blüt zuuergießen nit geschewet. Dar
mit hat er sein küniglich hocheyt vñ ehr / nit allei beschmitzt
sunder mit dem vnschuldigen Christlichen blüte gantz ert
trenckt / abgwaschen vnd von im geworffen / Seines eydts
so er auff das heilig sacrament geschworen / nit allein verges
sen / sunder gar vñ vff das aller höchst offenbarlich dargegē
gethon. Seiner siegel vñ brieff / mit solcher grausamheit vñ
Tirānischer that gar verleugnet. Als nu das gerücht vñnd
gschrey außgebreydet / ist niemant im Reich zu Sweden ge
wesen / dem solch grausame / vnchristliche / vnmilde / künigs
that zewissen / sie haben sich alle stund des bittern todts / vñ

solcher marter in engstlicher sorg beforchtet. Ein allerheilig
ster vatter Babst/ vicarius Christi/ vñ Allergnedigster K.
der Christenheyt höchster vogt/ Großmechtigen/ Gnedigste
Gnedigen vnd günstige hern vnd lieben freund/ alle frome
Christglaubige leut/ wo ist solchs vō einem König oder Für/
sten in der Christenheyt/ oder noch von den Heydnische Ty
rannen souil grausamer Tiranney beschrieben oder gehört
wo mag man Diocletians/ Maximians/ vnd anderer er
schröcklichen seuition finde/ differ grausamheyt grösser oder
dergleichen? Vnd wie wol die/ den Christlichen heiligen vñ
menschen vil plag vnd mengerley bitterer marter angelegt/
so haben sie doch zu keiner zeit ire trew vñ gegebenen glaubē
vñnd sicherheyt gebrochen. Man findet auch dasselbig heu
tigs tags bei den Türcken noch vnglaubigen nit/ sie haben
zu keiner zeit die todten Körper die so lang vergraben gewese
auszgraben/ vnd die verbrent oder darin seuiert/ oder auch
zu keiner zeit iemandt zur marter/ oder dem tod hinderugē
vñgehört vnd vnbeantworter sachen/ als differ König ge
thon/ verdampt/ wen solt das nit erbarmen? Wie ist doch
den vñdersassen des Reichs zu Swedē möglich solchē gros
sen gwalt vñ vbelthat zuuertragē/ das sie einen König d̄ doch
ein sterblich mensch ist/ mer dan got den almechtigen achten
oder fürchten solten. Demnach sein wir all/ geystlich vñ welt
lich stend sampt der gemeyn des Reichs zu Sweden/ aus an
gezeygtem vbermütigem gwalt getürgen/ vns wider solchen
vñchristlichen K. zesperrē/ vñ das ioch sei r Tiranney/ als
billich vñ wir got dem almechtigen/ sel/leib vñ güt schuldig
sein/ abzuwerffen/ vnd vns/ der vns/ einßtheyls vnser leib/
liche vätter/ brüder vñnd vertern/ oheymen vnd angeborne
freund/ durch seinen beuelch ermordet/ vnser schwestern vñ
angeborne freündin/ gefencklich ins elend vñ zum tod gfürt/

Ex
10
sein

ged

auff seinem gehorsam zubrechen / vnd mügen ien nit anders
achten vnd halten / als gottes vnd der heiligen Christlichen
Kirchen / vnd vnsern feinde / vnd hoffen vns werd niemant /
der Christlichs vnd redlichs wesens sei / darin verdencken /
Die weil wir dan auff gemeyner sag erfahren / das wir von et
lichen / die solchs Königs vnmenslichen vornemens / vnd
warumb wir vns widder ien gesperrt / Keyn eygentlichs wis
sen haben / derhalben verdacht / vnd vnbillicher weiß zu red
gestellt werden / So haben wir zu erkantnuß / erfahrung / vnd
ausbreitung der warheyt / auch vnserer entschuldigung /
diffe vnderricht / ins liecht zebringen vorgenommen / vnd auß
gehn lassen / mit vnderthäniger / dienstlicher / freuntlicher /
vnd fleissiger bitt / ewer Bäschlich heiligkeyt / vnd Kō. M.
souer disse schrift an dieselbigē gelangt / auch ewrer andern
König / Großmechtigen / Chürfürstlichen / Fürstliche gna
den / liebe vnd freuntschafft / vñ ir alle geystlichen vnd welt
lichen / die all vnd ein ieder vnser allezeit / in versicherten vñ
veligen orten / der vorangezeygten stück / anlag / antwort /
vnd notturfftiger beweisung / derhalben recht zunemē vnd
zugeben / mechtig sein sollen / Ir wöllet euch des genantenn
König Christiern von Denmarck / grossen gwalt vñ vnrechte
durch got erbarmen lassen / vnd vns vnser notwer vñ erret
tung gnediglich / freuntlich / vnd sunst im besten entschuldi
get haben / vñ wo das stat hat gnediglich / günstlich / freunt
lich vnd gütlich entschuldigen. Auch disser vnser beclagūg
der wir vns langzeither / mit merern vnd weitern artickeln /
dann hie angezeygt / alloyn vmb Kirtz willen vermeiden / zu
des Königs verschönung / vnd sunderlich Key. M. vñnd
des Königlichen ampts würdigkeyt zu eren / enthalten haben
in verhoffung er het sich eins bessern bedachte vnd die diug
mit vns auff ander mas gestellt / euch auch widder vns vnd

die vnsern etzwas fürzunemē/ nit lassen bewegen. Nach dem
nun sein Pharaonis hertz ganz verstopfft/ mögenn wir der
warheyte nit schweigen/ darneben auch/ ob wir in dissem vn
sern schreiben etzlich scharpfer wort/ die einem fromen recht
fertigen/ Christlichen König zu zunemen/ so wir doch (got
hab lob) selbst wol wissen/ nit gebürt/ gebraucht hetten/ So
hat vns doch solche gros vbelthat vnd gwalt so ser behertzi
get/ das wir andrer beschönlicher wort darzu nit gebrauchē
vñ die warheyte verduncklen können/ dan zu vnser notturfft
gnediglich/ günstlich/ freütlich/ vñ gütlich bedencken. Das
gebürt vnns vmb ewere Päpstliche heiligkeyt/ Key. Ma.
hocheyt/ Königlichen großmechtigkeyten/ Churfürstlichen
Fürstlichen gnaden/ vñ vñd vmb euch alle/ geystlichen vñd
weltlichen stands/ eher vñd würdicheyt/ zu verdienen/ zu ver
schulden/ vñd in allem guten zgedencken. Des zu merer
vrfund der warheyte/ auch bestendigkeyte disses vnser auß
schreibens / hab ich Gutstaff Erickson Gubernator/ mein
eygen/ vñd wir andern/ geystlichen vñd weltlichē Rethen zu
Sweden/ des Reichs ingesigel/ welchs wir vns alle inwoner
des Swedē Reichs / samet vñd besunder gebrauchen/ auff
dissen brieff getruckt. Gebē in vorgnntem reich zu Surcō
pinge/ auff den neunundzweintzigsten tag des monets Des
cembris. Nach vnsern herren Christi geburt/ fünffzehnhū
dert/ darnach im xxiiij. jare.

1811

1811



~~AKT~~ n 6587

X 2206336


nc



HL








Farbkarte #13

B.I.G.

Q.K. 383,1.

510



Onder Grausamen/ Ty
rannischen Wyßhandlung/ so Kü
nig Christiern/ des namens der
ander von Denmarck/ In
Reich zu Sweden bes
gangen hat.

1521



Small handwritten note

